

USLOVI ZA OSIGURANJE STAKLA OD LOMA



DA BI BILO
JASNije



Predmet osiguranja

Član 1

- (1) Predmet osiguranja, u smislu ovih Uslova, mogu biti:
 - 1) sve vrste stakla, svijetleći natpisi i reklame, slike, natpisi i ukrasi izrađeni na osiguranim staklima; ploče mermerne i od vještačkog kamenja na stolovima, pultovima, regalima i sl; porculanski umivaonici, klozetske šolje i ogledala ulična (za regulisanje saobraćaja), kulturni, istorijski i nadgrobni spomenici od kamena, betona i metala);
 - 2) uz svijetleće natpise i reklame osigurani su i nestakleni djelovi i ramovi koji čine njihov sastavni dio;
 - 3) neonske i ostale svijetleće cijevi sa pripadajućim uređajima i bez njih.
- (2) Ne mogu biti predmet osiguranja:
 - 1) predmeti od šupljeg stakla, stakla na svjetilkama i reflektorima, tijela za osvjetljavanje svih vrsta; lampe (cijevi); rentgenske, kvarcne, radio-televizijske i druge; stakla koja se koriste kao oruđa za rad u procesu proizvodnje; sočiva i staklene kugle; zalihe stakla i staklene robe svake vrste;
 - 2) naprsle i oštećene stvari;
 - 3) stakla u oštećenim okvirima.
- (3) Osigurane su samo stvari označene u ugovoru o zaključenom osiguranju.



SKREĆEMO
VAM PAŽNJU



POSEBNO
VAŽNO



OSIGURANA
SUMA PREMIJA

Član 2.

- (1) Osiguranjem po ovim Uslovima pruža se osiguravajuća zaštita od uništenja ili oštećenja osiguranih stvari zbog ostvarenja bilo koje opasnosti (rizik) kojima su izložene osigurane stvari, osim za štetu prouzrokovana:
 - 1) prilikom premještanja ili nameštanja osiguranih stvari u prostorijama koje nisu označene u ugovoru o zaključenom osiguranju,
 - 2) ogrebotinom, izjedanjem i sličnim oštećenjima na površini osiguranih stvari,
 - 3) klizanjem i slijeganjem tla,
 - 4) kod nadgrobnih spomenika prilikom otvaranja i zatvaranja grobnice.
- (2) Ako se to posebno ugovori, osiguravač će biti u obavezi takođe da isplati naknadu i za štetu:
 - 1) na slikama, natpisima i ukrasima, ako je šteta prouzrokovana od istog štetnog događaja, kao i šteta na samoj osiguranoj stvari na kojoj se nalazila slika, natpis ili ukras;
 - 2) na stvarima smještenim u izlogu, oštećenim ili uništenim od direktnog udara osiguranih stvari.
- (3) Ako se ugovori osiguranje neon cijevi sa ostalim pripadajućim uređajima, osiguranje pokriva i štete uslijed neposrednog dejstva električne struje (kratkog spoja), požara kablova, obrazovanja svijetlećih lukova i sl. na nestaklenim djelovima i štete uslijed: grešaka u konstrukciji, livenju i materijalu, ukoliko za ove štete nije u obavezi isporučilac, i posebnih pogonskih nezgoda, ukoliko ove nisu neposredna posljedica trajnog uticaja hemijskih (korozija, oksidacija), termičkih ili mehaničkih uzroka, istrošenosti, starosti, lošeg održavanja ili dotrajalosti zbog redovne upotrebe, pa makar i prevremeno. Štete uslijed posebnog dejstva atmosferskog elektriciteta obuhvaćene su osiguranjem samo ako je uređaj pregledan od strane nadležnog organa i primljen kao ispravan.
- (4) Osiguravač je u obavezi takođe da naknadi:

- 1) troškove za eventualno privremeno najnužnije zastakljenje;
- 2) troškove za skidanje i ponovno namještanje predmeta koji smetaju pri postavljanju nove stvari (npr. zaštitna rešetka, zaštitna šipka, zaklon od sunca i slično);
- 3) troškove koje osiguranik ima za otklanjanje i smanjenje štete u visini određenoj prema članu 6. ovih Uslova.

Mjesto osiguranja

Član 3.

- (1) Stvari koje se osiguravaju po ovim Uslovima smatraju se osiguranim samo dok se nalaze na mjestu označenom u ugovoru o zaključenom osiguranju kao mjesto osiguranja.
- (2) U slučaju proširenja ili promjene mjesta osiguranja posebno se ima ugovoriti da osiguranje važi za prošireno, odnosno novo mjesto osiguranja.

Vrijednost osigurane stvari

Član 4.

- (1) Način utvrđivanja vrijednosti osigurane stvari ugovara se polisom na početku perioda osiguranja.
- (2) Vrijednost osigurane stvari može biti ugovorena sa fiksnom osiguranom sumom ili sa osiguranom sumom koja se koriguje.
- (3) Ukoliko se ugovori korekcija sume osiguranja i premije u toku trajanja osiguranja, te korekcije se vrše primjenom koeficijenta rasta cijena na malo koje objavljuje savezni organ za statistiku.



Utvrdjivanje naknade iz osiguranja

Član 5.

- (1) Šteta se obračunava prema visini troškova za namještanje novog stakla odnosno druge stvari iste vrste i kvaliteta na mjesto polomljene, odnosno u visini troškova za izradu nove slike, natpisa, ukrasa ili slova od stakla. Eventualno smanjenje vrijednosti oštećene stvari (rabaćenje) ne uzima se u obzir.
- (2) Osiguravač može naknadu iz osiguranja izvršiti u novcu ili na taj način što će namjestiti novo staklo odnosno nabaviti stvar (naknada u naturi).
Ako se naknada vrši u naturi, ostaci prelaze u svojinu osiguravača. U svojinu osiguravača prelazi i staklo upotrijebljeno za privremeno zastakljivanje (član 2. stav (3) alineja 1)).
Ako se naknada vrši u novcu, osiguranik prema dogovoru može zadržati vrijednost ostatka.
- (3) Šteta obračunata prema prethodnom stavu naknađuje se u punom iznosu, ako suma osiguranja nije manja od vrijednosti osigurane stvari (član 4).
- (4) Ako je suma osiguranja manja od vrijednosti osigurane stvari u vrijeme nastanka osiguranog slučaja (podosiguranje), naknada se samo dio štete koji odgovara srazmjeri između sume osiguranja i vrijednosti osigurane stvari.
- (5) Ako su stvari osigurane na „prvi rizik”, naknada će se platiti u visini nastale štete, a najviše do ugovorene sume osiguranja na „prvi rizik”. Odredbe o podosiguranju neće se primjenjivati kod ovog načina osiguranja.



Naknada troškova

Član 6.

- (1) Osiguravač naknađuje troškove koje je osiguranik učinio kad je osigurani slučaj nastao za preduzete mjere radi otklanjanja i smanjenja štete, pa i onda kada te mjere nisu bile uspješne, a u skladu sa Zakonom.
- (2) Ukupna naknada, obračunata prema članu 5. ovih Uslova, ne može premašiti sumu osiguranja.
- (3) Troškovi za otklanjanje i smanjenje učinjeni po nalogu osiguravača, kao i troškovi privremenog zastakljenja, naknađuju se i onda kad zajedno sa naknadom iz člana 5. ovih Uslova, premašuju sumu osiguranja.

Ograničenje obaveze po osnovu drugih osiguranja

Član 7.

- (1) Ako je osiguranik zaključio i koje drugo osiguranje kojim su i stakla osigurana (na primjer: osiguranje od opasnosti požara i nekih drugih opasnosti), u slučaju štete naknada iz osiguranja isplaćuje se po osnovu tog drugog osiguranja. Iz osnova osiguranja stakla izvršiće se naknada samo onda ako pokriće po tom drugom osiguranju nije bilo dovoljno, i to do iznosa nepokrivenog djela štete.



Važnost Opštih uslova za osiguranje imovine

Član 8.

- (1) Ukoliko nijesu u suprotnosti sa ovim Uslovima, na osiguranja zaključena po ovim Uslovima primjenjuju se i Opšti uslovi za osiguranje imovine.

Datum početka primjene 27.02.2008. godine.

